



Antara pelajar Kuin bersama tenaga pengajar yang berjaya menamatkan kursus bahasa Arab sebagai persediaan melanjutkan pelajaran ke luar negara.

80 pelajar kuasai bahasa Arab

KUALA KETIL - Seramai 80 pelajar Kolej Universiti Insaniah (Kuin) yang bakal melanjutkan pengajian ke Timur Tengah menamatkan kursus bahasa Arab, baru-baru ini.

Kursus anjuran Kuliyyah Bahasa Arab ini adalah antara usaha memperkemaskan persediaan pelajar Malaysia yang bakal melanjutkan pengajian dalam jurusan agama di Universiti Al Azhar dan beberapa universiti lain.

Timbalan Rektor Hal Ehwal Akademik (HEA), Prof Dr Che Ani

Mad@Ahmad berkata, kursus selama dua bulan itu diharap dapat membantu meningkatkan kemahiran pelajar dalam bahasa tersebut bagi memudahkan mereka berkomunikasi ketika melanjutkan pelajaran di luar negara.

"Kursus selama dua bulan yang dirancang oleh pihak kolej berjaya meningkatkan kemahiran dan keyakinan pelajar untuk berkomunikasi dalam bahasa Arab serta mendorong mereka menguasai ilmu dengan lebih mantap sebagai persiapan mereka," katanya.